

Triptik nieòczëwidny

Kòlibiònka dlô Martczy

Pòjkôj, Martkò, haszkù...

Ju òczka jidzkają dadaszku
Ju nòzcki deptkają bùtenku
Ju rãczci cziwkają: papaszku
Chto tak zëwkô?

Biżkù, Martkò, biżulkù...

Hewòlkò, Grzeńk sëpkò piôseczkã
Krãcëszk tuńckò ze snieńkama
Starëszk prowadzkò malinczégò tószka
Jakùż haukò piesk?

Haukù, tószkù, haszkù...

Blónczi są z cëkrowi watczy
Miesądzk mô mùckã w groszci
Wiaterk róbkò: zybkù, zybkù
A jenkù, spat kac ònkò chcałko

Pòjkôj, Martkò, haszkù...

...

Më cë ùprawimë
Pùdzemë do krómù
Rëszné serca na pòlëcach
Jãdrzné wątroby, jãdrzné zótë

Wmòdlimë, co je nót
Co dochtórka wësëje
Na zëmny recepcie
Ze sztãplã namienieniô

Dostóniesz karã
Cobë so letkò zahalac
No nowé, kùpioné
Pòdlug wskôzów a tóblëców

Wej, tóné mómë mùsczi
Z atestã, jesz wòniają
W promòcje dotegùjemë
Pële na rozwieselenié

Są krzéle łădzé
Bělné dlô karierě
Piăkné òczě
A nosa je wôrt miec

Nadjacha cziwa
Zez krwią
Czerwòną, malënową, mòdrą
Rh →, òd A do Ą

Jesz paragón
Kùli za co
Niech przĩdze pòsobny

Człowiek

...

Na greńcě
Dotknieniô zdrokã
Dôka

Wiôldzim znakã
Zapětaniô
Kanie

Letnicě
Kaszëbską Dargą
Garną

Wieżą
Aczipaczi wspòminków
Chwilków

Pòzéróm
Na autólową żěłã
Z kòła

Nëkóm
Chùtką cygarëtą
Dietã

Tómk Fópka, Chwaszczëno, 14 zélnika 2025 rokù, gòdz. 4.45 d.p.